

# تۆرك يوردى

ناشرى: تۆرك يوردى  
مدىرى: جلال ساھر

يىل ۶ جلد ۱۳ صاى ۱۴۴

۲۷ اپرول ۱۳۳۳

۱۳۳۳ صاى ۱۶

هدی یتیرد کدن صوکره واتیقان دارالعلومسده ا کمال تحصیل ایدم رک آفریقا یاخود چین وزاپون  
بت پرستلندن بر ذاتک هدایتیه سبب اولاییلیرسه بزه، بوتون بزم هاله مزه کفایت ایدم .  
مخاطیم کندیه مخصوص بر قوت ایمان وسلاست لسان ایله بوسوزلری سویله نیجه کوزلری یاشاردی .  
عیسی ، مریم ... دیدی ، بعضی شیلر میرلانا قرق دعا ایتدی ، اوغلنک یوزینه باقدی . اوغلی ده  
یاش ایله طولو ایکی سیاه کوزینی والده سنک کوزلرینه توجیه ایتدی . آرز چوق کولومسه دی ، کولاقلا :  
— اوه ، دیوردی ، بن سنک ، بدرمک بوتون آرزولر کزی یرینه کتیره جکم . دیدکلریکزی ،  
ایسته دکلریکزی باقمه موفق اوله جقم ...  
بن ده کندی کندیه :

— یاری ، دیدم ، بز تورک — مسلمانلر ایچنده ده سوکیلی جکر پاره لرینه هیجان ملی الهام  
ایدم جک بویوک قلبی آتالر یتیشدیر ، یتیشدیرده بزم کنجلمز کوکلرنده حرکت ایدن مقدس  
امللری شفقنلی نینه لرینه مدیون اولسونلر ...

واپورمز ایکنجی کونک صباحندن باشلا یارق بوغاز ایچنه کیرنجیه قدر متعادیا ساللاندی . اشیالرمی  
طوبلا یارق کوکرتیه چیقدیقم زمان کونش هنوز باتمش ، واپورمزده « یوشم تپه سی » حذا سندن  
جکیمکه ایدی . غلطه ریختنه یانا شیدیمز زمان یاتسو اذانی ایشیدلدی . واپوردن ایندم . هنریز  
وطنک مبارک طور اغه سالما آفاق باصمفه موفق اولدیقمدن دولابی ربمه حمد و ثنالر ایتدم ...

صوک

مهمیم ثابت

بی اثر

« عثمانلی کنج درنکلری » [۱] . — « کنج درنکلری مفقش عمومیلکی » طرفندن آیده بر دفعه اولوق  
اوزره یوقاریده کی عنوانله بر تربیه وی مجموعه چیقاریلماغه باشلانمشدر . کنج درنکلری مفقش عمومیلکی طرفندن

[۱] « ثروت فنون » قطعه سنده ۱۶ صحیفه . — سنه لک آتونه بدلی ۱۰ غروشدیر ، مراجعت محل : « استانبولده  
حریبه نظارتنده اطفا ئیه قیشه سنک اوست قاتنده کی دائرة مخصوصه ده عثمانلی کنج درنکلری مفقش عمومیلکی » .  
صافی : ۱ ، ایلوک برنجی کونی چیقمشدر . برنجی صابی « فون هوف باشانک بر مقدمه سنی ، سلیم سری بک ( کنج  
درنکلری ویا کلش قلیلر ) سرلوحه لی بر مقاله سنی ، تربیه بدنییه ، عمومی تربیه ده اثر سلیم سری بک وهوف  
باشانک مقاله لرینی وکنج درنکلرینک بدایت تشکندن تموز اورتیه سه قدر ولایات ومستقل متصرفلرک مرکز  
وملحقاننده تشکل ایدن کنج درنکلرینه طایفه بر جدولی محتویدر . بو جدوله نظر آ ۷۷ باتده ۳۵۱ ، مستقل  
سناقلرده ۳۵۵ کنج درنکی تشکل ایتمشدر . انک زیاده تشکیلات باپیلان محالیر قره سی وکوتاهیه لوالری اولوب  
قره سیده ۱۱۴ ، کوتاهیه ده ۱۰۵ درنک تشکیل ایتلشدر . بونلردن صوکره آنقره ده ۷۷ ، آیدینه ده ۵۴  
وسائر ولایت ولوالرده ده آ از مقدارده تشکیل اولمشدر . استانبولده تشکیل ایدیلن درنکلرک مقداری غیر  
معیندر . »

شیمدی به قادر اثر ایدیلش اولان کوچوک مجموعه ورساله لرك [۲] بر نوع تکاملی صورتیه میدانه چیتان بو مجموعه نك مقصدی بوتون عثمانلی کنگرلرنك صاغلام ، تداک وفعال اولاسنه چالشمقدیر . «تسویر افکار» رفیقہ نك بو مجموعه حقندہ کی فکرلرینه اشترک استدیکمزدن عیاً بویایه درج ایدیورز : «کنج درنکاری تشکیلاتی توسیع ایله مک و بو تشکیلاتدن منتظر فوایدی عموماً آکلاقی ایچون بویله بر مجموعه تشری ای بر تشبیر . یالکز بویکی انتشار ایدن مجموعه نك شکل وقطعه سنی بکنده دك . بویله عملی مسلکله طایف مجموعه لر، اربابی طرفندن قولایجه طاشنه بیلک ایچون دایما کوچوک قطعه ده اولالیدر . ثانیاً مجموعه مندرجاتی برآز دها متنوع اولق و ممکن مرتبه رسملره ده تزین ایدلک ایجاب ایلردی که بو صورتله دها جاذب اولوردی .» مجموعه نی اهمیتله توصیه ایده رز .

ت. ی .

« معلم » ك « توفیق فکرلک یوک روضه انخاف » اولونامه نسخہ سی [۱] . - « تورک یوردی » ندہ توفیق فکرلک افاتنه دائر یازیلان سطرلرده « ... جنازه سنده پک آز کیمسه بولنش، نه حکومت ، نه کجلاک ، نه دوستلری اوکا قارشى صوک وظیفه لرخی پایاییلشدیر . بز، ملی دویغولرک اک بوبوکنی ملتک مفتخرلرینه حرمت » مربوطیت تشکیل ایتدیکنی ظن ایتدیکم ایچون بو حالدن یوزه کز صیرلادی « دنیلیوردی [۲] . بالآخره « مرحوم توفیق فکرته قارشو تورک کنگرلکک بحق مدیون اولوبده خبرسز قالارق دفنی ائساننده ایفایه امکان بولامادقلر، صوک وظیفه احترامی ادا ایچون تورک اوجاغنده ... مرحومک شرفته برمسامره ترتیب » اولندیقندن بحث ایدرکن « ... ایلریده مرحوم حقندہ دها برچوق اوزون مصاحبه لر پایلاجفی، ترجمه حالنه دثرده جلدلر یازیللاجفی و بو خصوصده مرحومک آرقاداشلری آراسنده حاضرقلرده بولوندیغنی سوبیلرک سامعلری سوبندیر . دیلر . بز بو ذوات محترمه دن اوراده کی بوتون سامملر نامنه بو خیرلی وفائده کی وعدلرخی امال وامهال ایتدهن ایفا ایتمه لرخی تمی « ایدیوردق [۳] .

شعر و صنفک مجلوب و جاذبه داری اولان استانبول ، تمثیلرمنده خیلی حقلی اولدیغیزی کوسترمکده در : ۱۳۳۲ سنه سی آغستوس نسخہ لریمزدن برنده توفیق فکرلک ارتمالک برنجی بیل دونومنی یازدیغیز زمان : « توفیق فکرک ، کچن بیل آغستوسک ۶ نجی جمعه ایرتمی کونی صباحین وفات ایتشدی . بو بیلک عینی کوننده مرحومک دوستلری ، نهو صاحبه سنک دعوتیه کیدوب « آشیان » ی زیات ایتدیلر . استانبولک کونده لک غزته لری او کونکی وایرتمی کونکی نسخہ لرندہ بوبوک عثمانلی شاعرخی آکهرق مقاله لر یازدیلر . دار الشفقه طلبه سی

[۲] مذکور رساله جکرک آدلری : « عثمانلی کنج درنکارلرنک اهمیتی و مقصدی و طرز مساعیدی » ( فیائی ۱۵ پاره ) ، « عثمانلی کنج درنکاری تشکیلی حقندہ قانون موقت و نظامنامه » ( ۳۰ پاره ) ، « عثمانلی کنج درنکارلرنک حفظ الصحه قواعدی ، خسته لاق و قضا وقوعنده یاپه جقری تدبیرلر » ( ۲۰ پاره ) ، « عثمانلی کنج درنکارنده اویونلر » ( ۳۰ پاره ) ، سلاح آلتنه جلب ایدیله جک دینجولرک اجرا ایدیله جک امتحانلرینه مخصوص رسمی تعلیماتمه » ( ۲۰ پاره ) در .

[۱] « معلم » ك اولکی جمعه سنده ۴ صحیفه . - بیل : ۲ ، جلد : ۲ ، صائی ۱۴ . - ۱ ایول ۱۳۳۳ دهه استانبول اوقاف اسلامیه مطبعه سنده باصیلدیش . - فیائی ۷ بوجوق غروشدیر .

[۲] « تورک یوردی » جلد ۱ - صائی ۱۲ - صحیفه ۲۷۲۳ : ۲۷۲۵ دهه در .

[۳] « تورک یوردی » جلد ۸ - صائی ۱۳ - صحیفه ۲۷۴۱ : ۲۷۴۵ دهه در .

كيدوب قېرى زيارت ايتدى. خلقىز ومطبوعاتىز بوبوك تولىلرىنى اونوتماق يولنه كىرمە يە باشلامىدۇر. دىمىدك .  
فكرتك ارتخالىك ايكنىجى بيل دونوى اولان بو بيل ، فكرتك دها چوق اعزىز وتقدير اولمايه باشلايدىنى  
كورويورۇز: مرحومك دوستلرى ، تقدىركار وحرمتكارلرى طرفىدن ، كچن سنه بايلىدىنى وجهله ، «آشيان» زيارت  
اولونازىق مرحومك خاطره سى آكلدىنى كچى ، ينه كچن سنه كى كچى ، كۆنده لك غزته لىرىده اوزون مفااله لر  
ئىر ايتدىلر . « صباح » رفقىز كوزهل بر باش مقاله بيله ئىر ايتدى . فكرتك وفاتى زمانلرىده « طنين » ده  
«توركيلىر وتوفيق فكرت» [۵] مقاله سىنى ئىرايدىن ضيا كوك آلپ بك ايله سائر تحرير ارقداشلىرىك ده فكرت  
مرحوم حقنده كى بىكى فكرلرى «بىكى مجموعه» رفقىزك آغستوس نىسخه لىرىده باصىلوب چىقىدى .

« معلم » رفقىز ۲ نىجى جلدىك ۲ نىجى صايدىنى تشكيل ايدىن ۱ ايلول ۱۳۳۳ تاريخلى نىسخه سىنى « توفيق  
فكرتك بوبوك روحنه اتخاف » ايدىرك بر « نىسخه مخصوصه » حالنده چىقاردى . بو نىسخه هئانلى - تورك  
اديب ومحررلىرىك بوبوك شاعره دائر حساباتلىرىنى ، فكر ومطالعه لىرىنى وفكرتك حياتنه متعلق بعض خاطره لر ايله ايكنى  
قطعه رسمنى ، ايلك ئىر اولونان منظومه سىنى ، ۱۳۱۴ ده يازىلىش بر مکتوبىنى محتويدر [۴] .

« طنين » رفقىز ، مەلىك بو نىسخه سى ايچون يازدىنى سطرلرده : «بوبوك شاعر وصنعتكار ايچون چوق  
بايلىماسى لازم كلىن شكران اثرلىرىنه « معلم » مجموعه سى رهبر اولمش اولويور . شاعرك خاطره سىنى آراضىده  
هرزمان ياشايجىق واوى بزه طائىته جق اولان بو كى ئىرياتك دواى بالخاصه شايان تمىيدىر» دىيور .

«معلم» رفقىزك كندى مسكيله پك اويغون ، پك اخلاق وتربيه وى اولان وخيلى جالىلى مقاله لرى احتوا ايدىن  
بونىسخه سى بوتون قارئلىرىزه توصيه ايدىدۇر .

[۴] شو ذاتلك اثرلرى درج اولىنىدۇر : نكار خانم ، عبدالحق حامد ، ضيا كوك آلپ ، سليمان نظيف ،  
سليمان نسيب ، ساطع ، على اكرم ، يونس نادى ، رضا توفيق ، خالد فخرى ، حمدالله صبىجى ، آق چوره  
اوغلى يوسف ، حسين دانش ، سليم سىرى ، محمد عاصم ، ا. حكمت ، على جانب ، روشن اشرف ، هلى ناجى ،  
احمد جواد ، محمد امين ، حق طارق ، يوسف شريف ، فريدون نكار ، نافع عطوف ، حفظى توفيق ، ضيا ،  
حسين راغب واحمد امين .

[۵] « طنين » ك ۱۳۳۱ سنه سى ايلول نىسخه سىنده انتشار ايتىدۇر .

## تورک اوجاغندن :

بايرامك ايكنىجى كونى ، اوكلەدن صوكره ساعت اوجده اوجاقليلر بايراملاشمقى اوزره بايزيدده  
تورک اوجاغنه دعوت اولنورلر .